

寶雞縣志

卷十三

卷十四

卷十五

卷十六

寶雞縣志卷之十三

古蹟

上古

姜氏城

水經注曰岐水又經姜氏城南爲姜水世本炎帝妻姓帝王世記曰炎帝神農氏姜母安登遊華陽感神而生炎帝長於姜水水合而東逕美陽縣之東亭川水也

按出杜陽之大嶺者岐水也出秦嶺之大散關者姜水也酈氏不考遂以岐水蒙姜水之名而並移姜氏城以就之誤矣今姜水在縣南三里姜氏城在水南涯又東則浴聖九眼泉

在焉

大荔史紹狐本來忘耕鑿何處訪城闌水溯桑經誤山含大古春
居民猶沕穆糸姓記生因浴聖靈泉在尋源欲問津

周

虢城虢宮

晉書地道記曰西虢地 太康地理志曰虢叔之國矣有虢宮

三輔黃圖曰虢宮秦宣太后起在岐州虢縣界

郃陽李偕檜虢城晚眺詩兩頭纖纖月映郭郭外寒林隕疎籬人
行村路繞村墟偶驚一犬吠籬脚常寧宮殿識秦餘猶說涼樓小
虢居上陽天策軍奔
後前川射雉一矢譽

邑人楊甲木虢宮詩興亡千古蹟殘堞有荒城桐葉榮新錫礪山
指舊盟大東雖已賦小虢尙留名咫尺秦宮近羽陽銅瓦傾

釣臺

水經注礮溪水出南山茲谷乘高激流注於溪中泉水積潭自成淵渚卽呂氏春秋所謂太公釣茲泉也水流次平石卽太公垂釣之所其投竿跼餌兩膝遺蹟猶存是有礮溪之稱也

蘇詩聞道礮溪石猶存渭水頭注在號東南十八里

馬理通志釣臺在寶雞縣東南礮溪中水邊其石下細上鉅俯臨溪中故老相傳爲太公釣處有兩膝所着跡按太公釣魚臺有三在河南新安城東者一石也今去水數丈許矣在陝西者二一在咸陽城西土屹然不崩一在寶雞礮溪中石也豈太公避紂而來初釣新安繼而咸陽後則釣於礮溪與其遇文王者礮溪也

宋蘇軾磻溪石詩墨突不暇黔孔席未嘗煖安知渭上叟跪石留
雙臂一朝嬰世故辛苦平多難亦欲就安眠旅人譏客懶

二十六日五更起至磻溪未明詩夜入磻溪如入峽照山炬火落
驚猿山頭明月耿猶在石上寒波曉更喧至人舊隱白雲合神物

已化遺蹤蛇安得夢隨霹靂駕馬上傾倒天瓢翻

金太原李汾磻溪詩封侯輸與曲如鉤冷坐磻溪到白頭老婦廚
中莫彈鋏白魚留待躍王舟

浮梁鄧夢琴遊釣臺詩渭水東流去濤聲護舊臺當其垂釣日詎

卜後車來就養寧偕隱歸周匪借才蒼崖雖有蹟風雨長莓苔

代謝成今古猶傳兩釣臺先生招一至尙父望而來山水同留勝

見潛豈異才桐江澄練淨倒影照青苔

邑人吳曰南詩由來大老傲煙霞何事溪邊度歲華月照綸竿風

拂釣肯賒清夢帝王家

邑人王繩武詩避地西來厭俗塵閒中歲月靜中身當年不入飛

熊夢長作磻溪垂釣人

春秋八百啓周疆過客於今說釣璜當

世偉人多少輩是誰功績繼鷹揚

邑人強振志詩行到磻溪絕俗塵臺荒蹟古想伊人熊飛未入岐

州夢鯉躍先傳渭水濱竹畝煙波籠坐石茲泉風月伴垂綸一竿

拖得璜魚出釣起周家八百春皓首蒼顏一釣翁磻溪石上老

英雄繞臺鶴髮連雲白逐水魚鱗映日紅簑笠重沾秦嶺雨綸鉤

斜挂渭川風投竿佐得岐
豐治萬古芳蹤落照中

關尹喜故宅

水經注曰散關抱朴子神仙傳謂老子西出關關尹喜候氣知
真人將有西遊者遇老子強令之著書耳不得已爲著道德經
世所傳老子書也然幽王失道平王東遷關以捍移人以職徙
尹喜候氣非此明矣而往逕所由茲焉或可 偃曝談餘曰寶
雞有尹喜故宅 舊志在縣南十五里益門鎮又名通仙觀有
張邱二真相遇仙跡

通仙觀舊壁詩失名通仙仙觀倚南山疑有仙人駕鶴還不見眞
仙丹竈冷空餘靈觀白雲間

平陽封宮

史記秦本紀寧公二年徙居平陽武公元年伐彭戲氏至於華
山下居平陽封宮 正義曰平陽在岐州封宮在平陽城內也
括地志曰平陽在岐州岐山縣西四十六里 水經注引
徐廣曰郿之平陽亭也按九域志當在今平陽鎮

羽陽宮

澠水燕談錄曰秦武公作羽陽宮在寶雞縣界歲久不可究知
其處元祐六年正月直門縣之東權氏濬地得古銅瓦面上隱
起四字曰羽陽千歲篆字隨勢爲之不取方正始知爲羽陽舊
址也其地北負高原南臨渭水前對羣峯形勢雄壯眞勝地也

浮梁鄭鳳儀羽陽宮瓦歌出地有五其一完其徑四寸半有奇中
央周四角隱起鬱律蟠蛟螭云是羽陽千載字篆體轉折隨勢爲

土花斑斑不可以剝蝕元祐六年正月權氏始得之世間物每貴
希有銅雀香姜足先後好事到瓦礫何啻珍瓊玖此瓦况自甘泉
以上之離宮宣王石鼓將毋同虹梁跨水化作之而爲龍遂與摧
堞埋蒿蓬誰使光恠發穹壤目所未覩心響往竭來作客陳倉中
直欲考古周秦上封宮械陽一一事幽討短衣匹馬東門道耕夫
於此犁爲田田頭積礫知多少惟有雞峯青未了

陳倉故城

舊志載在縣東二十里元和郡縣志有二城上城秦文公築下

城魏將軍郝昭築

邑人強振志陳倉懷古詩幾番扼腕幾番嗟古往今來過眼花尙
父釣溪空水石長春丹室老桑麻金臺引鳳神仙府石鼻盤龍宰
相家富貴飛昇成底事聊將杯酒醉流霞競言固國恃谿山說
到陳倉更解顏驛路秋風石鼻塞壁門夜月金牙關大王嶺險捫
蘿上和尙原高踏石攀指點三
交城裏客不知人世有塵寰

祀雞臺

舊志云卽寶夫人祠在縣東十七里官道北

新成王士正詩東周已久換西秦陳寶何須辨僞真猶有漢家持
節史益州遠祀碧雞神

鳳女臺

水經注曰鳳女臺鳳女祠秦穆公時有簫史者善吹簫能致白
鵠孔雀穆公女弄玉好之公爲作鳳臺以居之積數十年一旦
隨鳳去云雍州世有簫管之聲焉今臺傾祠毀不復然矣 舊
志在縣東南六十里

唐李白鳳臺詩嘗聞秦帝女傳得鳳凰聲是日逢仙子當時別有
情人吹綵簫去天借綠雲迎曲在身不返空留弄玉名明灤州許
莊詩貴主臺荒半草萊登臺弔古獨徘徊鳳凰飛去歸天上簫管
還聞度曲來明月滿空涼似洗青山一插淨無埃仙家縹緲終難
接露白葭蒼傍水隈
浮梁鄧夢琴詩仙術原來廣大哉淮南雞犬亦離埃當年若有吹

蕭史止棘何生黃鳥哀 秦穆上天已是夢主家弄玉豈云眞傳
疑更啓沙邱妄入海求仙八百人

漢

陳倉峪

在縣東十五里北阪中其地前凸後凹上倚高原下臨峻坡天
然營壘實爲憑險奧區相傳韓信屯兵於此旁有小泉不枯不
溢云是信馬跑地作穴所出與省志高祖煎茶坪之說相類

石鼻城

蘇軾紀行詩薄莫來孤鎮登臨憶武侯崢嶸依絕壁蒼茫瞰奔
流程續注曰鎮卽武城鎮也俗謂之石鼻城孔明所築在寶雞
東相傳孔明圍郝昭於陳倉築此城以拒魏兵 舊志在縣東

四十里

宋蘇軾詩平時戰國今無在陌上征夫自不開北客初來試新險
蜀人從此送殘山獨穿暗月朦朧裏愁渡奔河蒼茫間漸入西南
風景變道邊
修竹水潺潺

意先居在三交城之山腹党太保崇雅避世處

邑人強振志遊意先居記癸丑之春上己之辰余遊佛巖登三交
城四面陡絕懸崖一徑紆曲而上直凌絕頂瑰奇雄壯天然城闕
徘徊四顧增人氣魄遂乃想司馬之英風感苻姚之舊事懷武侯
之馳驅尋太保之隱逸嘆天開靈境以待偉人也問諸土人党
相國意先居安在引余北行不數武巉巖奇特壁立萬仞嶙峋石
罅中路細如髮用是蛇行蛛引盤曲匍匐抵山之半有一小澗架
獨木半枯攀崖步木而過豁然洞開一入石室萬緣俱寂中有數
小臥碑皆邑前輩和太保詩字多磨滅不可識又有石几石凳石
甕懸崖流泉可引入甕中三方如面壁惟東與佛巖相對靜聽松
風石泉冷冷然淒淒然如鼓琴如吹笙偶一警歎衆山皆響蓬島
桃源今在秦地真非人間境矣於焉少憩復尋舊徑既上回視不
覺神悚因爲古歌四十韻以誌勝遊

頤頭倉

在縣東南九十里渭寧里南山之麓其形中峯寬平四面九山環繞去五丈原十五里相傳諸葛武侯屯糧之處也

煙霞洞

舊志在縣東南六十里礪溪之西深不可測時有雲氣出焉相傳後漢王喬修仙處

宋

曾閣

在虢縣渭水南

蘇軾嘉祐八年七月二十四日以久不雨出禱礪溪是日宿虢

縣二十五日晚自虢縣渡渭宿於僧舍曾閣閣故曾氏所建也

夜久不寐見前縣令趙薦留名有懷其人繫以詩

龕燈明滅欲三更欹枕無人夢自驚深谷留風終夜響亂山銜月
半床明故人漸遠無消息古寺空來看姓名欲向礪溪問姜叟僕
夫屢報斗杓傾

翠麓亭

舊志在青峯山下

蘇軾自礪溪往陽平憩於麻田青峯寺之下院翠麓亭詩不到峯
前寺空來渭上村此亭聊可喜修徑豈辭捫谷映朱欄秀山含古
木尊路窮驚石斷林缺見河奔馬困嘶青草僧留薦晚殮我來秋
日午旱久石床溫安得雲如蓋能令雨瀉盆共看山下稻涼葉曉

翻翻

斯飛閣

舊志在縣西南

眉山蘇軾詩西南歸路遠蕭條倚檻魂飛不可招野闊牛羊同雁
鷺天長草樹接雲霄昏昏水氣浮山麓汎汎春風弄麥苗誰使愛
官輕去國此身無計老漁樵

黃牛堡

舊志縣西南一百里今名黃牛鋪宋史金徒單合喜兵拒大散
關遊騎侵黃牛堡制置使王剛中馳馬至河池責吳玠調兵分
道而進授方略以援黃牛堡卽此

武城樓

舊志在縣東三十里泝水之西宋陳守亮守鳳翔時所建

元

射箭亭

舊志在縣西南十里元憲宗入蜀於此駐馬較射

青風臺

馬理通志臺在縣東南六十里元真人邱處機所築西倚飛雲之壁東臨漱玉之溪北眺渭波南依山色中引清風故名呂韋

有記

婺源戴文興詩客臥雲臺觀倏爲丹詔起不對黃白術惟陳均平理一夫罔弗獲修行無踰此美利溥當時高風照前史踵接三百年誰與長春子帳殿謁雪山前席臨遼水問之一天下不嗜殺人是一奏穆如言民有春臺喜曾聞杖藜蹤披簑臨渭涘息機既有洞憑眺復遺址深樹交扶欄荒臺沒石齒惟有萬古月曾照躡雙屣千秋華山麓共作來者企

蓮池

舊志蓮池有二一在號縣鎮西水自鳳翔西北委折匯而爲池
方數十畝昔人種荷其中今池東高阜相傳爲愛蓮臺一在號
縣鎮東磨性山下長春丹房之側水自東西原下出交匯爲圓
池壁甃其外澄若玉鏡藕花深處突有亭榭數楹遊者以輕舸
相通紅衣映水綠蓋接天幽香斷續於蘭橈桂楫中可以忘暑
蓋邱公澄心處也其下琢石爲龍口水灑珠噴玉而出居民接
次置閘設機以轉礮焉

天真洞

舊志在清風臺後長春修道處

混元洞

舊志在磨性山下長春煉丹處洞有二石大如升極光潤相傳云邱眞磨性石

朝陽洞

飛昇洞

舊志在金臺觀皆張三丰修真處洞口有明成祖訪三丰制書并刺封張三丰碑

農人渚

在礮溪前卽尙父垂釣遇異人處

劉綱嶺

號縣鎮北傳綱爲號令時所築以備水患